



## OTKRIVAMO **SIPA** u Agenciji za lijekove



# ZAOKRET U AFERI 'RESPIRATORI'!?

**Kakva je uloga Aleksandra Zolaka • Mijenja li se spisak osumnjičenih  
• Ko ne dozvoljava podjelu respiratora • Čeka se optužnica**

**P**ripadnici **Državne agencije za istrage i zaštitu (SIPA)** pretresli su jučer Agenciju za lijekove i medicinska sredstva BiH u Ba-

njoj Luci, čiji je direktor Aleksandar Zolak.

Saznajemo da je oduzeta brojna dokumentacija koja se odnosi na nastavak istrage o na-

bavci respiratora iz Kine u BiH, a koje je uvezla „Srebrna malina“. **SIPA** i Tužilaštvo već mjesecima istražuju aferu tešku 10,5 miliona KM. **9. strana**

**SAZNAJEMO** Tužilaštvo BiH proširuje istragu na više osoba zbog uvoza opreme

# Zaokret u aferi 'Respiratori'!?

SIPA jučer obavila pretres Agencije za lijekove i medicinska sredstva, čiji je Zolak direktor


- Izuzeta dokumentacija o uvozu opreme, pretreseno mu vozilo

Pripadnici **Državne** agencije za istrage i zaštitu (SIPA) obavili su jučer pretres Agencije za lijekove i medicinska sredstva BiH u Banjoj Luci, čiji je direktor Aleksandar Zolak.

Saznajemo da je oduzeta brojna dokumentacija koja se odnosi na nastavak istrage o nabavci respiratora iz Kine u BiH, a koje je uvezla „Srebrna malina“.

## Sve znali

Podsjećamo, **SIPA** i Tužilaštvo već mjesecima istražuju aferu tešku 10,5 miliona KM, a sporne respiratore uvezla je iz Kine



**SIPA** pretresla i Zolakovo vozilo



Zolak: Dao sve dozvole

firma koja je u vlasništvu TV voditelja Fikreta Hodžića. U ovoj aferi za sada su osumnjičeni Fadil Novalić, premijer FBiH, Fahrudin Solak, direktor Federalne uprave civilne zaštite (FUCZ), i Fikret Hodžić.

Portparol **SIPA**-e Luka Miladinović rekao je jučer za „Avaz“ da **SIPA** postupka prema naredbi Suda i Tužilaštva BiH, ali da ne može govoriti o detaljima. Pripadnici ove agencije, uz prisustvo istražitelja Tužilaštva, pretresli su,

## Osamdeset respiratora i dalje uskladišteno

Mustafa Kadribegović, vršilac dužnosti direktora FUCZ-a, koji mijenja suspendiranog direktora Fahrudina Solaka na ovoj poziciji, potvrdio je za „Avaz“ da Federalni štab civilne zaštite nije donio odluku

kako saznajemo, i kabinet i vozilo direktora agencije Zolaka.

On je prije tri sedmice zbog ove afere i izdavanja dozvole „Srebrnoj malini“ za uvoz 100 respiratora saslušan u Tužilaštvu BiH kao svjedok.

Iako je Zolak jučer kazao da ne zna zašto je **SIPA** došla, naši izvori iz ove

da bolnicama podijeli 80 respiratora.

Saglasnosti u Štabu da se respiratori podijele nema, iako se tome ne protivi čak ni Tužilaštvo BiH, koje ih je ranije vještačilo i provodi istragu.

agencije tvrde da to nije tačno, odnosno da je sve itekako poznato i Zolaku i zaposlenicima. **SIPA** je izuzela svu dokumentaciju koja se odnosi na izdavanje dozvola za uvoz medicinske opreme u posljednjih nekoliko godina.

Od prvog dana je, naime, sporno kako je „Srebrna malina“ dobila doz-

volu za uvoz opreme isti dan kada je i podnijela zahtjev, a neke firme čekaju i po godinu, što je dokumentirano u **SIPA**-i.

## Bez registracije

Prema informacijama „Avaza“, Zolak, kako sada stvari stoje, ima status osumnjičenog, čime se istraga širi na više osoba u ovom predmetu. Zolak je, naime, „Srebrnoj malini“ dao dozvolu, a da u tom podnesku uopće nije bio naveden ni registracijski broj firme.

Kada je u pitanju dozvola za promet medicinskom opremom, ona im je odobrena 26. aprila, dan ranije, koja važi do 26. aprila 2025. godine. Ali, niko ne zna na osnovu kojih referenci.

M. AŠČIĆ

## Ko će sve biti ispitan

Istraga će, osim Zolaka, kako stvari stoje, a što smo objavili prije nekoliko sedmica, biti proširena na još naj-

manje tri osobe. Pogotovo što se njihovi iskazi ne podudaraju s materijalnom dokumentacijom.